

پټرسے اولی کاگد

پټرسے اولی کاگدے پجار

پټرسے اولی کاگد گون ديم ديوکے نام و گوندين دروت و درهباتيا بندات بيت و په هما مردمان که کاگد نبشته کنگ بوتگ، آيانی پجار هم بنداتا مان انت. نبشته کنوک وتی ناما ”پټرس، ایسا مسيهه کاسد“ گوشيت.

پټرس اسلا جليلے دمگے مردمے ات. ماهيگیرے ات و چه ایسا مسيهه اولی کاسدان یگے ات. پټرس چه ایسا مسيهه نزيکترين کاسدان یگے ات و مدام چه سجھينانی نيما هبري کرت. پټرسے نام پيسرا شمون ات، بله وهدے مريدانی ديما گوشتي که ایسا هما مسيه انت که آيگی بوتگ، ایسا مسيهه آيیے نام بدل کرت و پټرس کرت. پټرسے مانا ”تار“ انت.

پټرس، ایسا مسيهه جاه جنگا رند، چه کليسائے بنداتی سروکان یگے بوت. آ اولی کاسد ات که درکنومی پاکشودی دانت و اے هبري هم کرت که درکنوم چه موسائے شريتے پابندیا آرات بنت. کليسایي کسه و سرگوست گوشنت که کاسدين پټرس کساس شست ميلاديا رومے شهرا شهيد کنگ بوتگ.

اے کاگد هما باورمندانی سرا نبشته کنگ بوتگ که رومے آسیایي دمگا نندوک اتنت. اے دمگ مروچيگين ثركيه انت. اے مردمان ایسا مسيهه سرا ايمان اورتگ ات و کاگدے تھا هدائے گچيني مردم گوشگ بنت. کاگدے نبشته کنگے زمانگا باورمند گون بازين جيژه و جنجاليا ديم په ديم اتنت. آيانی سرا بدکاریے بهتام جنگ بوت، ایسا مسيهه سرا ايمان آرگے سوبا بے ازت کنگ بوتنت و همساهگان که اشانی تچکی و راستی دیست، چه اشان نيرتش کرت.

اے کاگدے بنيادی مکسد باورمندان دلبدي دئيگ انت که همساهگانی نيرتانی ديما هم په دلپهکی شرين کار بکننت. پټرس باورمندان دلبدي دنت که شما هدائے گچين کرتگين مردم ايت و هدايا واده داتگ که شمارا رگينيت. اے گپا بيهيال مکنيت که ایسا مسيهه هچ گناه و ميارے نکرتگات و ناهگا آزار دئيگ بوت و هرکس که ایسائے سرا ايمان کاریت، اے دنيا گون آيا هم انچش کنت.

وتی اے کاگدے تھا پټرس باورمندان سر و سوچ کنت که شما اے گرانين

سَاهَتان بايد اِنْت چو وټى زندا بگوازيښت: هُډائے پرمانبَرداريا بکښت، تچک و
راست بښت، هاکِمانى اِرتا بکښت، اے دگه باورمندان و وټى لوگئے مردمان
دوست بداريت و گوڼ آيان همدل بښت، وټى ايمانئے سرا مُهر بوشتيت و اے گپا
دلجم بښت که هُډا مئے شمئے هنيالا داريت.

(۲۰۱) چه ایسا مَسِيهه کاسد پترُسے نيمگا،

په هما سَجَهين دَرانډِيهين مردمان که پُنْتوس، گلاتيا، کاپادوکیه، آسیا و بیتینیهه دَمگان شنگ و شانگ أنت. هُدايا چه وتی پيشزانتی و گوڼ وتی پلگار کَنوکیڼ پاکین روها، شمارا گچین کرتگ تان ایسا مَسِيهه پرمانبرداریا بکنیت و هماییه هُون شمے سرا پاشگ و دَرنگ بیت.

هَدائے رهمت و سُهَل و آسودگی شمے سرا گیش و گیشتر بات.

زندگین اُمیت

(۳) مے هداوندین ایسا مَسِيهه هُداين پتا ستا و سنا بات. چه وتی سرریچین رهمتا و گوڼ ایسا مَسِيهه چه مُردگان زندگ بئیکا، هُدايا مارا نوکسرا پیدا کرت تان مارا زندگین اُمیتے برسیت. (۴) آيا په شما آسمانا میراسے اَمبار کرتگ که اے میراس هچر نپوسیت، گار نبیت و ابدمان انت. (۵) شما هُدايے سرا باور کرتگ و هُدا هم گوڼ وتی زور و واکا په هما نجاتا شمے نگهپانیا کنت که چه ائون تیار انت و آهری زمانگا پَدَر بیت. (۶) اے شمے شادمانی انت، ثرے شما ائون په دمانکیا گرانین وهد و چکاسان بکپیت. (۷) اے چکاس پمیشکا کاینْت که شمے مَهر و مُهکمین باور ایسا مَسِيهه زاهر بئیکه وهدا ستا کنگ و ساژایگ و اِزْت دئیک بیت. شمے باور چه زوال بئوکیڼ سهر و تلاها باز گیشتر کرزیت، پل ثرے سهر چه آسا گوستگ. (۸) شما مَسِيه هچر ندیستگ، انگت آيا دوست داریت. ائون هم شما آيا نگدیت، بله آییے سرا باور و هست و هچ لبزے شمے پُرشوکتین وشیا درشان کرت نکنت، (۹) چیا که وتی باور و ایمانے مُرادا گندگا ایت، بزان شمے جائے رگگ.

(۱۰) پئیکمبران همے رگگے بارئوا بازین جُهلانکین پْت و پول کرتگ. آ پئیکمبران همے رهمتے بارئوا پيشگوئی کرتگ که شمارا رَسگی ات. (۱۱) مَسِيهه روہ چه آيانی زبانا هبر کنان و گوشان بوتگ که مَسِيها چُونین سکی سگگی انت

و رندا آيا چوڼين مزين شان و شوکتے رسيت. گڙا، آ مدام همے جُهدا بوتگ انت
 که بزانت پاکين روہ کيی بارثوا هبرا انت و اے کار کدين بيت. (۱۲) په آيان پدَر
 بوتگ که وهدے هبرا انت وتی هزمتا نکنگا انت، شمے هزمتا کنگا انت. نون
 گون پاکين روہے زورا دگه مردمان اے وشين مستاک په شما رسينتگ، هما
 پاکين روہ که چه آسمانا ديم دئيگ بوتگ. په اے وشين مستاک زانگا پريشتگ
 هم دلمانگ انت.

پاک بيت

(۱۳) وتی لانکا بنديت و هُزار بيت. زندا په شههم و رهداری بگوازينيت. وتی
 اميتا په هُدائے هما رهمتان بنديت که ايسا مسيه وتی زاهر بئيگن وهدا په شما
 رسينيتش. (۱۴) هبرزورين چکانی پئما بيت. مئيليت که شمے زند هما دئولا
 سلين واهگانی دستا بيت که شمے نازانتی وهدا بوتگ. (۱۵) هما دئولا که
 شمے گوانک جنوک پاک انت، هر کارے تھا شما هم پاک بيت. (۱۶) چيا که
 نبیسگ بوتگ: «من پاک آن و شما هم بايد انت پاک بيت.» (۱۷) اگن شما
 هُدايا وتی پت گوشت، که آهرگسے دادرسیا بے رو و ریا، آيیے کارانی حسابا
 کنت، گڙا وتی دراندھیے وهد و پاسان په شرپ و اُرت گون هُداثرسی
 بگوازينيت. (۱۸) شما زانیت که چه هما ناهودگين زندا که چه شمے پت و
 پيرينان شمارا رستگات، موکگ بوتگيت، بله گون نگره و سُهرا نه، که ابدمان
 نه انت، (۱۹) گون هما بے ائيب و بيکچھين گورانڈ، بزانت مسيهے بيهاين هونا بها
 زورگ بوتگيت. (۲۰) مسيه چه دنياے جوڙ بئيگا پيسر گچين کنگ بوتگ، بله اے
 گډی روچان په شمئيگی آتک و پدَر بوت. (۲۱) چه آيیے وسيلها، شمارا هُدائے
 سرا باور هست، هما هُدائے سرا که مسيهی چه مُردگان زندگ کرت و شان و
 شوکتی دات. پميشکا، شما هُدائے سرا باور کنيت و چه همایيا اميتوار ايت.

(۲۲) نون که شما گون راستیے رندگيريا وتا پاک و پلگار کرتگ و گون يکدگرا
 په دلين مهرے واهند بوتگيت، گڙا په دل و ستک گون يکدوميا مهر بکنيت. (۲۳)
 چيا که شمارا نوکين زند چه زئوال بئوکين تُهما نرستگ، چه زئوال نبئوکين
 تُهما رستگ، بزانت چه هُدائے زندگ و ابدمانين گال و هبرا. (۲۴) پرچا که:

» «انسان چو کاه و سبزگا انت و»

» شان و شوکتی چو کاهئے پُلا.»

» کاه و سبزگ مرت و پُل هم کینت.»

۲۵ «بله هُداوندئے گال و هبر تان اَبَد مانیت.»

اے گال و هبر همش انت که شمارا مستگ دئیگ بوتگ.

زندگین سِنگ و در چتگین کُوم

۱ پمیشکا، هر پئیمین بدی، مکر و پریب، دوئل و دوپوستی، هَسَد و کینگان
چه وت دور کنیت و هچکسیئے پُشتا بد و رَدین هبر مکنیت. ۲-۳ نون که
هُداوندئے نیکی و مهربانیئے تامو چشتگ، نوک پيدا بوتگین نُنکانی پئیمایه پاک
و روهانیین شیرا شدیگ بیئت تانکه چه همشیا دیم په وتی رَگگا رُدان بیئت.

۴ ایسا مَسِیهُئے نیمگا بیایت، هما زندگین سِنگ که مردمان پسند نکرت و
نذرت بله هُدايا گچین کرت و آییئے چما ایسا بیَمَت و پُرآرزش ات. ۵ نون شما
زندگین سِنگانی پئیمایه روهانیین لَوگیئے بندگا کار بندگ بیئت، پاک و
پَلگارتگین روهانیین پِشوا هم بیئت و آنچین روهانیین کُربانیگ بدئیئت که چه
ایسا مَسِیهُئے وسیلها هُدايا و شنود کنت. ۶ اے هما هبر انت که هُدائے پاکین
کتابا آتکگ:

» «بچاریت، من سَهیونا سِنگے ایزر کنان.»

» «اے سِنگ بیبها و گچینیین بُنَهشته.»

» «آگس که اِشیئے سرا باور بکنت،»

» «هچبر پَشل و شرمندگ نبیت.»

۷ اے سِنگ په شما که ایمانو آورتگ پُرآرزش انت، بله په آیان که ایمانش

نښاورتگ:

« آ سڼگ که بان بندین اُستایان » « پُښند نکرت و نذرت »

« هما سڼگ، بُنْهشت بوت. »

و ۸

« سڼگه که مردمان ټگلینیت و »

« کوهه که آیان دئور دنت. »

آیانی ټگل ورگه سئوب اِش ات که هُدايه هېرش نذرت. آیانی آسر و اکبت هميش ات. ۹ بله شما هُدايه گچين کرتگين بادشاهين روهاينين پيشوا و پاکين کئوم ايت، هُدايه جنديه کئوم ايت و آيا شمارا چه تهاريا ديم په وتي پرشئوکتين رُزنایيا گوانک جتگ تان آييه مزين کاران جار بجنيت. ۱۰ پيسرا شما کئومه نه اتيت بله انون هُدايه کئوم ايت. پيسرا شمارا هُدايه رهمت نرسنگات بله انون آييه رهمت شمارا گون انت.

۱۱ او دُردانگان! شما اے دنيايا بيگانگ و درامد ايت. مني دزبندي هميش انت که وتا چه آ جسمانی لوټ و واهگان پهریز بکنيت که شميه روئه هلاپا جنگ کنت. ۱۲ ناباورانی نیاما پاک و پلگارین زند بگوازينيت. بل ترے آ، شمارا بهتام جنت و گوشنت که شما ردین کار کنگا ايت، بله گون شميه نيکين کارانی گندگا، هُدايه آيگه روچا هُدايا شرب و اِزت بدئيت.

اِختياردارانی پرمانبرداریا بکنيت

۱۳ شما په هُداوندیگی، سجهين اِختياردارين مردمانی پرمانبرداریا بکنيت، بادشاهيه هم که چه سجهينان مستر انت و ۱۴ هاکمانی هم که چه بادشاهيه نیمگا په ردکارانی سزا ديگ و شرکردين مردمانی شرب ديگا ديم ديگ بوتگ انت. ۱۵ هُدا لوئيت شما گون وتي شرين کرد و کاران اهمکين مردمانی ناسرپدين هبرانی ديما بداريت. ۱۶ شما آزات ايت، پميشکا آزاتين مردمانی

ډټولا زڼد بگوازيښت بله وتی آراتيا هچر په ردین کاران نیمون مکنیت، وتی آراتيا په هدائے هزمتا کار بندیت. (۱۷) هرگسا اړت بدئیت و په باورمندان هاسین مهرے دلا بداریت، وتی زندا په هداترسی بگوازيښت و بادشاه شری بدئیت.

مسیهه سکی سگگئے مسال

(۱۸) او گلامان! وتی واجهانی پرمانبرداریا بکنیت و آیان باز اړت بدئیت. تهنا نرم و مهربانین واجهانی پرمانبرداریا مکنیت، ثرند و زوراکین واجهانی پرمانبرداریا هم بکنیت. (۱۹) وهده شما گون هدایا وپادار ایت و ناهکین سزایان سگیت، شمئے همے سبر و اوپار وت په شما شریے بیت. (۲۰) اگن شما په ردین کاریا سزا دئیگ بییت، گزا چون آ سزائے سگگ شمارا شریدار کنت؟ بله اگن شرین کار و کردیئے سؤبا سکی بسگیت، هدا شمارا ستا کنت. (۲۱) شما په همے سکيانی سگگا گچین کنگ بوتگیت، پرچا که مسیها هم په شمئیگی سکی سگت و نمونه و مسالے بوت که شما آیئے رندگیریا بکنیت.

(۲۲) » «آییا هچ گناه نکرت و»

« گسارا پریبی ندات.»

(۲۳) بل ثرے بے اړت کنگ بوت، بله انگت هم هچکسی بے اړت نکرت. تننتا وهده سکی سگگا ات، گسارا پادترایی ندات. آییا هدائے سرا تنوکل کرت که تچکین انسپ و دادرسی کنت. (۲۴) آییا وت مئے گناهانی بار سلیبے سرا وتی بدلا لدت، تانکه گناه چه مئے دلا بمریت و په نیکی و پاکی زڼد بگوازيښن، که شما چه هماییئے ئپ و ثوران ذراه بوتگیت. (۲۵) میثانی پیما گار و سرگردان اتیت، بله نون هماییئے کرا پر ترتگیت که شمئے ارواهانی شپانک و سمبالوک انت.

جن و مرد

(۱) او جنینان! همے پیما، شما وتی مردانی پرمانبرداریا بکنیت، تان اگن چه آیان یگے هدائے هبرا ممیت، گزا آ گون هبرا نه، گون وتی جنئے کار و کردئے

ګندګا هُډائے سرا باور بکنت، ۲) هما وهډا که شمئے هُډائرسى و پاکدامنیا
 ګندیت. ۳) شمئے سینګار و پلګار زاهری مبيت که سرا چوڼ بګوپيڼ، چوڼيڼ
 سَهت و زیور پر بکنيڼ و چوڼيڼ ګډ بپوښيڼ. ۴) اشيئے بدلا، وتی دل و جَبينا
 ګوڼ نرم و آراميڼ روهيئے پایداریڼ زیباییا بسینګاریت، که په هُډایا اے چیر باز
 پُراړزش انت. ۵) کوهنیڼ وهډ و زمانګا انچش بوتګ و پاک و نیکیڼ جنیڼ که
 اُمیتش په هُډا بوتګ، وټا ګوڼ وتی مردانی پرمانبرداریا سینګارتګش، ۶)
 انچش که سارها ابراهیمئے پرمانبردارى کرت و واجه و مستری گوشت. اګن
 شمئے کار نیک و شر ببت و مئیلیت که چیزے شمارا بترسینیت، شما هم
 هماییئے چګ بیت.

۷) او مردان! شما هم ګوڼ وتی جنان پرمهر بیټ که چه شما نازرکتر انت.
 جنیڼ ګوڼ شما زندمانئے پُربركتيڼ ټيکيا شريکدار انت. آيان اِزت بدئيټ، تان
 چش مبيت که شمئے دوا اِشکنګ مبت.

راستیئے راها سګيئے سګ

۸) نيټ، شما سَجْهيڼ يکدل و همدرد بيټ، ګوڼ يکدوميا مهر بکنيټ، نرمدل
 و بيکبر بيټ. ۹) ګوڼ هچګسا بديئے بدلا بدی مکنيت. اګن کسيًا شمارا زاه و
 زګت کرت، آييا زاه و زګت مکنيت، اشيئے بدلا په آييا نيکيڼ دوا بلوټيت که په
 همه کارا ګوانک جنګ بوتګيت و چه همشيا شمارا برکت رسيت. ۱۰) پميشکا:

«آ کس که زندمانئے واهګدار انت و»

«وشين روچ ګندګ لوټيت،»

«آييئے زبان چه بديا دور ببيت و»

«لنټ چه مکر و پرييا،»

۱۱) «چه بديا پر بتريت و نيکی بکنت؛»

«سُهل و ايمنى بلوټيت و همشيئے شوهازا ببيت.»

۱۲ « چیا که هداوندۍ چم، نیک و پهریزکاریڼ مردمان سک انت و »

« گوښی گوڼ همایانی دوايا. »

« بله هداوند وتی دیا چه بدکردیڼ مردمان ترینیت. »

۱۳ نون که شما په نیکین کارانی کنگا واهگدار ایت، کۍ شمارا تاوان دات کنت؟ ۱۴ اگن په شمۍ نیکین کاران شمارا آزار برسیت، انگت هم شما بهتاور ایت. چه آیانی پادترپان مثرسیت و پریشان مبیټ. ۱۵ بس، وتی دلا مسیها هداوند بمیت و هماییا شرب بدیټ. اگن کۍ شمۍ امیتۍ سوبۍ جستا بکنت، مدام په پسو دئگا تیار بیټ. ۱۶ بله اے کارا گوڼ نرمی و په سنگینی بکنیت. وتی جبین و وجدانا پاک و ساپ بداریټ، تانکه شمارا بد و رد گوښگۍ وهدا، آ مردم گوڼ شمۍ نیکین مسیھی کردارۍ گندگا چه وتی زاه و زگتان پشل و شرمندگ ببت. ۱۷ پمیشکا، اگن هداۍ رزا بیت که سکی بسگیت، گزا بدین کارانی سکۍ سگۍ بدلا، نیکین کارانی سکۍ بسگیت. ۱۸ مسیها هم یک برۍ په مۍ گناهان سکی سگت، بزان آ ”نیک و پاکا“ په گنهکاران وتی جان ندر کرت تان مارا په هدايا سر بکنت. مسیه جسمی کُشگ بوت بله روها زندگ کرت.

۱۹ اے، همایۍ روه ات که بندیگین ارواهانی نیاما شت و په آیان جاره جتی، ۲۰ هما ارواه که گوستگین زمانگا ناپرمانی اش کرتگات، بزان نوھۍ زمانگا که بوجیگ ادۍ بیگا ات و هدا گوڼ سبر و اوپار وداریگ ات، بله کمین مردمۍ، بزان تهنا هشت مردم چه آپۍ راها رگت. ۲۱ همۍ آپ شمۍ پاکشودیۍ مسال و نمونه انت که انون شمارا رگینیت. پاکشودی جسم و جائۍ زاهری چلان پاک نکنت، اے په پاکین وجدان و جبینا، گوڼ هدايا شمۍ دزبندی انت که چه ایسا مسیھۍ جاه جنگۍ وسیلها شمارا رسیت، ۲۲ هما مسیه که آسمانا شتگ و نون هداۍ راستین نیمگا نشتگ و پریشتگ و زور و واک، همایۍ دستۍ چیرا انت.

گوڼ هدايا وپاداری

١ نون هما دُولا که مَسِيها وتی جسم و جانا سَگی سَگت، شما هم په اَنچين کاريا تيار ببيت، پرچا که هر وهدا کسيّا مان جسم سَگی سَگتگ، چه گناها رَگتگ. ٢ اے پئِما، نون آ وتی منتگين جسمی زندا انسانی لوٹ و واهگانی سرا نگوازينيت، هُدائے واهگانی سرا گوازينيت. ٣ شما بازين وهدے هما کارانی سرا گوازينتگ که هُدانا باورين مردمان دُوست بنت، چو که بدکاری، هُئا و هُوس، هُنوش و بيساری، شراب واريئے مهيل، ائيش و نوش و اے گندگين بُت پرستی. ٤ نون وهدے آ گندنت که شما اے ردين کارانی هار و هيرُويا آيانی همراه نبيت، هيران بنت و شمارا بد و رد گُوشنت. ٥ بله اے مردمان همایئے ديما جواب ديگی انت که په سَجهين زندگين و مُرتگينانی دادرسیا تيار انت. ٦ اے دُولا، هُدائے وشين مستاک په مُردگان هم رسينگ بوت، که سَجهينانی دُولا آيانی جسمی دادرسی بوتگ آت، تانکه ارواهش هُدائے پئِما زندگ بنت.

٧ دنيا زوٹ هلاس بئِگی انت، پميشکا گون شهم و رهديا و تا گران و سنگين بداريت تان دوا کرت بکنيٹ. ٨ چه سَجهينان مسترين گپ اش انت که يکدوميا په دل و ستک دُوست بداريت که مهر، بازين گناهيئے بکشگے سؤبساَر بيت. ٩ بے نرنډگا وتی لوگے دپا په يکدوميا پچ بکنيٹ. ١٠ شما هر يگيا چه هُدایا هاسين توانے رستگ. امانتدارانی پئِما، هُدائے تهر تهرين نيامتان په يکدوميئے هزمتا کار ببنديت. ١١ کسے که هبر کنت هُدائے جندے هبران بکنت و کسے که هزمت کنت گون هُدائے دانگين زور و واکا هزمت بکنت، تانکه چه ايسا مَسِيهے وسيلها هُدایا ستا و سنا برسيت. سَجهين شان و شوکت و زور و واک ابد تان ابد همایئے باتنت. اَنچش بات. آمين.

په ايسائيگی سَکیانی سَگ

١٢ او دُردانگان! چه هما آسین چکاس و آزمائشان هيرت مکنيٹ که شمے چکا کپنت و وتی دلا مگوشيٹ که اے اَجبين کارے گون ما بئِگا انت. ١٣ تان اودا که گون مَسِيهے سَکیانی سَگا شريکدار ايت گل و شادان ببيت، تانکه هما ساھتا که آيئے شان و شوکت يدر بيت، شما هم وش ببيت و بيکساس شادمانی کرت بکنيٹ. ١٤ اگن مَسِيهے نامے سؤبا شمارا زاه و رَگت کنت، شما بهتاور

ايت، پرچا كه هُداي پرشوكتيڼ روها شمئ دلا جاگه كرتگ. (۱۵) وتا پهريزيت
 كه چه شما كس هوني، دز، ردكار و پلينډ بئيگي سئوبا سكي و سورياني تها
 مكپيت. (۱۶) بله اگن كس مسيهي بئيگي سئوبا سكي و سورياني تها بكپيت،
 چه اشيا پشل و شرمندگ مبيت و په وتي مسيهي بئيگا هُدايا ستا و سنا بكنن.
 (۱۷) نون دادرسي هُداي و ا دادرسي چه هُداي هاندان و كهولا بندات
 بيت. اگن دادرسي چه هُداي هاندانا بندات بيت كه ما اين، گزا آ مردماني آسر و
 اكبت چه بيت كه هُداي وشين مستاگي نمؤوك انت؟!

(۱۸) ”اگن پهريزكاريڼ مردمي رگگ چو گران انت،

گزا ناباور و گنهكاراني هال چه بيت؟“

(۱۹) پميشكا، آ كه گون هُداي رزاي سكي و سورياني تها كپتگ انت، وتا مئ
 جوړ كنوكي سپرده بكنن كه وپادار انت و نيكيڼ كار كنن ببنن.

هُداي رمگ

(۱) من وت كه چه كليسا كماشان يكي آن و مسيهي سكي و سورياني
 شاهد آن و آبيي پدري بئيگيڼ شان و شوكتا شريكدار آن، شمئ نياما هرچه
 كماش هست، چه آيان مني دزبندي اش انت كه: (۲) هُداي رمگي شيانكي و
 چارگا بكنيت كه شمئ سپرده كنگ بوتگ. اے كارا په نادلگشي مكنيت، په دل و
 ستك بكنيتي هما دئولا كه هُدا لوئيت. گون هب و هُدوناي بكنيتي، په وتي
 جندئ نپ و سوتا مكنيتي. (۳) اے رمگي سرا واجهي مكنيت كه شمئ دستا
 دئيگ بوتگ، په اشيا شريڼ مسالې بيت. (۴) پدا وهدي مستريڼ شيانك كئيت و
 پدري بيت، شما شان و شوكتي هما تاجا كئيت كه هچبر گار و زئوال نبيت.

(۵) او ورنايان! انچش شما هم وتي مستريڼاني پرمانبرداريا بكنيت و گون
 يكدوميا بيكر و دربيش بيت، چيا كه

”هُدا پركبر و گروناكيڼ مردماني هلاپا مهر اوشتيت،

بله بېكبر و درېښين مردمانى سرا وتى رهمتان گوارينيت.

۶ پميشكا، هداي پړواكين دستي چيرا وتا بېكبر و درېښ بكنيت تانكه آ،
وتى گيشينتكين وهدا شمارا برز و سرپراز بكت. ۷ وتى سجهين گم و
پريشانان همائيي سرا يله كنيت، پرچا كه آيا شمئ هئال گور انت. ۸ گران
و سنگين و هزار ببيت، چيا كه شمئ دژمن، شئيتان، چو شيرا گران انت و
شوهازا انت كه كجا شكاره برسيتى تان بدرت و ايري ببارت. ۹ شئيتانئ
ديما بوشتيت و وتى باورا مهر و مهكم بداريت. بزانييت كه همي پئيمين سكي و
سوري جهانئ اء دغه جاگهان هم شمئ براتاني سرا بئيجا انت. ۱۰ نون هدا، كه
سجهين رهمتاني مالك انت و شمارا چه مسيهي راهي ديما په هما ابدماين
شوكتا گوانكي جتگ، شمئ كمين سكي و سوريي سگارا رند، شمارا نوكرسا
توان دنت، مهر و مهكم كنت و پايداري و زور بكشيت. ۱۱ واك و كدرت ابد تان
ابد همائيينگ انت. انچش بات. آمين.

گډي هبر

۱۲ اء گونډين كاگدن گون سلوانوسئ كمكا نبشتگ، كه آيا وپادارين براتئ
زانان، تانكه شمارا دلبډي بدئيان و گواهي بدئيان كه هداي رهمتاني هكين راه
هميش انت. همي راهي مهر بوشتيت. ۱۳ چه هما بانكين گهارئ نيماگما شما
سجهينان دروت و درهبات سر بات كه بابلي شها انت و گون شما هور گچين
كنگ بوتگ. چه مني چك، مركاسئ نيماگما هم شمارا دروت و درهبات سر بات.

۱۴ گون پرمهرين چكگان يكدگرا درهبات بگوشيت.

شما سجهينان سهل و ايمني سر بات كه مسيهي ارواه و جبين ايت.